

Dudley R. Earl of Leicester

6.

IN
ILLVSTRISSIMI COMITIS LEICES-
TRENSIS, OXONIENSIS ACADEMIÆ CANCELLA-
rij, reliquorumq; Nobilium exoptatissimum aduentum,
Carmen Gratulatorium.



Quis stupor hic oculos, quæue admiratio mentes
 Detinet attonitas? mediarum in strata viarum
 Cur pueri, matres, ac tota effusa scholarum
 Agmina? cur vacuas conferti liquimus ades?
 Agnosco: pater, ecce pater, nostraq; salutis
 Auctor adest, patriaq; vnâ, Leiceltrius heros:
 Necnon & clari comites, atq; inclita virtus
 Nobilium, socij q; simul iunguntur honores.
 Qualis, ubi Delon quantusq; inuisit Apollo
 Aureus, ipse ingo graditur, camposq; patentes
 Arduus aspectat, sonitum dant omnia latè,
 Arua fremunt cantu procul, & clamore sequentum.
 Aut qualis pater ipse alto de vertice Nisæ
 Liber, agens tigres, rapidas molitur habenas:
 Tale tuum tantumq; caput, comitumq; tuorum.
 O clari comites, sed tu clarissimus ipse,
 Quantum alios ignes astrorum, candida Phœbe
 Quantumq; exuperat Phœbes, sol aureus, ignes.

O celsi proceres, ac tu celsissime; quantis
 Quantis ipsa intus perfusa est pectore toto
 Latitans, nunc alma parens Academia, tanto
 Aduentu decorata tuo? conuulsa resurgit
 Sedibus ipsa suis, & cursu concita, vestros
 Tendit in occursum. Sua sensa excudere formis
 Ausa nouis, tacita fugitura silentia lingua,
 Vos cupide affatur, vobis exorsa loquela
 Prima sua dicat, ac vestra his utcumq; salutat
 Numina. Sic lactens redeuntis ad vbera matris
 Adolat, & charis pendens cervicibus, infans
 Heret in amplexus dulces, & nescia fari
 Lingua, sonos tremulos titubanti concipit ore.
 Tu pater, eterno qui firmas omnia nutu,
 Hac patrij decora alta soli, doctaq; patronos
 Palladis, auxilij firmo munimine valla,
 Presidijsq; tuis. Ac postquam vita recedet,
 Excipias alta cæli regione locandos.

OXONIÆ
 Ex Aedibus IOSEPHI BARNES
 quinto Idus Ianuarij,
 1585.

